



220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «27» Март

№ 658и

Боғот шаҳарчаси

Кулонкаробог қишлоғи ҳудудида фаолият кўрсатаётган “Музаффар” фермер хўжалигига қўшимча узок муддатли ижарага ер участкаси ажратиб бериш тўғрисида.

Кулонкаробог қишлоғи ҳудудида фаолият кўрсатаётган “Музаффар” фермер хўжалиги бошлиғи М.Абдиримовнинг фермер хўжалигига қўшимча ижарага ер майдони ажратиб беришни сўраб туман ҳокими номига йўллаган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Ер кодекси”нинг 6,53-моддаларига, “Фермер хўжалиги тўғрисида”ги қонуннинг 11-моддасига ҳамда Ўзбекистон Республикаси “Маҳаллий давлат ҳокимияти” тўғрисидаги қонуннинг 6-моддасига асосланиб

ҚАРОР ҚИЛАМАН:

1. Кулонкаробог қишлоғи ҳудудида фаолият кўрсатаётган “Музаффар” фермер хўжалигига Бешарик қишлоғи ҳудудидаги туман ер захира фондидаги қишлоқ хўжалиги харитаси бўйича 1781, 1782, 1783, 1797, 1798 контуридаги умумий ер майдони 14,9 гектар, шундан 14,2 гектар экин ери, 0,6 гектар арик ва зовурлар остидаги, 0,1 гектар йуллар остидаги ерлардан иборат бўлган ер участкасини қўшимча ижарага ажратиб бериш мақсадга мувофиқлиги ҳақидаги фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг хулосаси маъқуллансин.

2. “Музаффар” фермер хўжалиги бошлиғи (М.Абдураимов)га Боғот тумани ҳокимининг қарори билан ажратиб берилган Кулонкаробог қишлоғи ҳудудидаги 960, 961, 963, 965, 967, 969, 885, 886, 887, 909 - контурлардаги умумий ер майдони 56,5 гектар шундан 50,8 гектар экин ери, 0,4 гектар узумзор, 0,4 гектар тутзор, 4,4 гектар арик ва зовурлар остидаги, 0,3 гектар

йўллар остидаги, 0,2 гектар кишлок хўжалигида фойдаланилмайдиган ерлардан иборат бўлган ер участкасига қўшимча Бешарик қишлоғи худудидаги туман ер захира фондидаги кишлок хўжалиги харитаси бўйича 1781, 1782, 1783, 1797, 1798 контуридаги умумий ер майдони 14,9 гектар, шундан 14,2 гектар экин ери, 0,6 гектар арик ва зовурлар остидаги, 0,1 гектар йўллар остидаги ерлардан иборат бўлган ер участкаси билан умумий ер майдони 71,4 гектар, шундан 65 гектар экин ери, 0,4 гектар узумзор, 0,4 гектар тутзор, 5,0 гектар арик ва зовурлар остидаги, 0,4 гектар йўллар остидаги, 0,2 гектар кишлок хўжалигида фойдаланилмайдиган ерлар билан банд бўлган ер участкаси қолган (34 йил) муддатга ижарага ажратиб берилсин.

3. “Музаффар” фермер хўжалигига қўшимча ер майдони ажратиб берилиши муносабати билан Боғот тумани ҳокимининг қарори билан “Музаффар” фермер хўжалигига ер майдони ажратиб бериш қисми ва ер участкасини узоқ муддатли ижарага олиш шартномаси бекор қилинсин.


4. Туман ер ресурслари ва давлат кадастри бўлими (К.Хусинов)га фермер хўжаликларида кишлок хўжалиги учун ер майдонлари ажратиш масалаларини кўриб чикувчи вилоят комиссияси томонидан кўриб чиқилиб, вилоят ҳокими қарори қабул қилингандан кейин туман ҳокими билан “Музаффар” фермер хўжалиги ўртасида ер участкасини узоқ муддатли ижарага олиш шартномасини тайёрлаш, рўйхатга олиш ва ер участкасини жойида (натурада) далолатнома асосида белгилаб бериш вазифаси топширилсин.

5. “Музаффар” фермер хўжалиги бошлиғи (М.Абдиримов)га ажратиб берилган ер участкаси атрофларини бегона ўтлардан тозалаб бориш, арик бўйларида тут кўчатлари ўтказиш ва уларга қаровни белгиланган муддатларда амалга ошириш доимий вазифа қилиб белгилансин.

6. Ушбу қарорнинг тасдиғи фермер хўжаликларида кишлок хўжалиги учун ер майдонлари ажратиш масалаларини кўриб чикувчи вилоят комиссиясидан сўралсин.

7. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев